

Kami Prihatin jelajah tiga negeri



KEJAYAAN mencetuskan kesedaran umum mengenai gejala pempuangan bayi dan seks bebas menerusi Pelancaran kempen Kami Prihatin peringkat institusi pengajian tinggi (IPT) di Universiti Malaysia Pahang (UMP) baru-baru ini merupakan pelengkap kepada usaha berterusan untuk membangkitkan kesedaran masyarakat dan mahasiswa mengenai masalah sosial tersebut.

Kempen *Kami Prihatin* yang diinisiatifkan *Utusan Malaysia* itu mendorong satu lagi pengajuran program kemahiran sosial melibatkan Kesatuan Pimpinan Presiden-Presiden Fakulti dan Ahli Majlis Perwakilan Pelajar UMP melalui ekspedisi jelajah ke seluruh negara.

Program bertemakan *Kami Prihatin, Kami Memimpin* bertujuan memberi ilmu kepada generasi muda untuk menjadi ejen perubahan sikap ke arah lebih positif di kalangan rakan sebaya.

Bagi program ekspedisi jelajah ini ia dimulakan dari Stesen Sentral Kuala Lumpur dengan menaiki keretapi dan bas menghala ke tiga destinasi utama kempen iaitu Port Dickson, Negeri Sembilan; Kuala Muda, Kedah dan Gua Musang, Kelantan.

Lokasi perhentian program dirancaikan dengan aktiviti yang dapat membentuk siswa dalam mendekati diri dengan masyarakat.

Lokasi tersebut merupakan terminal pengangkutan awam, sekolah dan pasar raya diberi tumpuan mengedarkan risalah dan maklumat sepanjang kempen *Kami Prihatin Kami Memimpin* diadakan.

Selain itu, siswa turut mengadakan aktiviti majlis tahilil dan sumbangan kepada komuniti Cina di sekitar Gua



PELAJAR yang terlibat dengan kempen 'Kami Prihatin, Kami Memimpin' bergambar kenangan di Stesen Sentral Kuala Lumpur, baru-baru ini.

Musang sempena sambutan Tahun Baru Cina yang lalu.

Presiden Fakulti Sains dan Teknologi Industri yang juga pengarah program, Muhammad Qusyairi Hashim berkata, program itu diharap dapat membentuk jati diri mahasiswa dalam menangani gejala pempuangan bayi.

"Kami sedar remaja kini lebih mudah dipengaruhi dengan persekitaran rakan-rakan sebaya. Pendedahan maklumat mengenai program ini serba sedikit membantu memberi informasi mengenai budaya gejala pempuangan bayi kepada orang ramai," katanya.

Pada 25 Januari lalu, Pelancaran kempen *Kami Prihatin IPT UMP* telah dilancarkan.

Majlis yang dihadiri kira-kira 5,000 orang itu dirasmikan oleh isteri Perdana Menteri, Datin Seri Rosmah Mansor.

Hadir sama, isteri Menteri Besar Pahang, Datin Seri Junaini Kasim; Menteri Pembangunan Wanita, Keluarga dan



PELAJAR UMP bermesra dengan penduduk kampung di Gua Musang, Kelantan, baru-baru ini.

Masyarakat, Datuk Seri Shahrizat Abdul Jalil dan Timbalan Menteri Pengajian Tinggi, Datuk Saifuddin Abdullah.

Turut hadir, Ketua Pengarang Kumpulan Utusan, Datuk Aziz Ishak; Presiden Persatuan Karyawan Malaysia (Karyawan), Datuk Freddie Fernandez dan Pengarah

Eksekutif Astro Entertainment Sdn. Bhd., Zainir Aminullah.

Muhammad Qusyairi berkata, keunikan program yang diadakan ini apabila pelajar terlibat tidak diberikan sebarang jadual aktiviti.

"Pelajar diberikan tempat persinggahan dan melaksanakan program mengikut daya kepimpinan masing-masing ketika mengadakan lawatan yang dapat meningkatkan jati diri sebagai pemimpin pelajar," katanya.